

**Razvojna banka Federacije  
Bosne i Hercegovine  
v.d. predsjednik Uprave**

Broj: 4389-III/22  
Sarajevo, 04.04.2022. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14), Zapisnika o pregledu i ocjeni konačne ponude broj 4325-XI/22 od 01.04.2022. godine i člana 20. Statuta Razvojne banke Federacije Bosne i Hercegovine (u daljem tekstu: Banka), u postupku javne nabavke usluga eksterne revizije informacionog sistema Razvojne banke Federacije BiH za 2021 godinu, donosim

**ODLUKU**

**o izboru ponuđača za nabavku usluga eksterne revizije informacionog sistema  
Razvojne banke Federacije BiH za 2021.godinu**

**Član 1.**

Prihvata se konačna ponuda ponuđača Ernst&Young d.o.o. Sarajevo, Vrbanja br.1, 71000 Sarajevo - broj ponude 219/22 i ugovor za nabavku usluga eksterne revizije informacionog sistema Razvojne banke Federacije BiH za 2021.godinu, dodjeljuje se ponuđaču Ernst&Young d.o.o. Sarajevo u postupku javne nabavke putem pregovaračkog postupka bez objave obavještenja o nabavci.

**Član 2.**

Ukupna cijena konačne ponude iznosi do 19.900,00 KM, što u konačnici s uračunatim PDV-om iznosi do 23.283,00 KM (slovima: dvadesettri hiljadedvjestotinosamdesettri KM i 00/100).

**Član 3.**

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu odluku na svojoj web stranici [www.rbfbih.ba](http://www.rbfbih.ba), istovremeno s upućivanjem iste ponuđaču koji je sudjelovao u ovom postupku.

**Član 4.**

Ova odluka stupa na snagu danom donošenja i dostavlja se ponuđaču koji je sudjelovao u postupku javne nabavke, saglasno članu 71. stav (2) Zakona o javnim nabavkama.

**Član 5.**

Za realizaciju ove odluke zadužuje se Sektor za podršku poslovanju.

## **OBRAZLOŽENJE**

Odlukom broj 1447-III/22 od 03.02.2022.. godine odobreno je pokretanje postupka javne nabavke usluga eksterne revizije informacionog sistema razvojne banke Federacije BiH za 2021.godinu. Procijenjena vrijednost nabavke iznosi 20.000,00 KM.

Shodno navedenom, Razvojna banka Federacije BiH, na svojoj web stranici dana 04.02.2022.godine objavila je informaciju u skladu sa članom 21. stav (1) tačka a) i članom 28.tačka (1) Zakona o javnim nabavkama da namjerava provoditi pregovarački postupak bez objave obavještenja za nabavku usluga eksterne revizije informacionog sistema Razvojne banke Federacije BiH za 2021.godinu sa jednim ili više ponuđača.

U informaciji je navedeno da će Ugovorni organ- Razvojna banka Federacije BiH na web stranici Banke, zajedno sa informacijom o pregovaračkom postupku za predmetnu nabavku objaviti i tendersku dokumentaciju/poziv za učešće za sve zainteresovane kandidate/ponuđače, a poziv je upućen na tri adrese potencijalnih ponuđača.

U utvrđenom roku za dostavu zahtjeva za učešće, ponuđač Ernst&Young d.o.o. Sarajevo dostavio je zahtjev za učešće sa kvalifikacionom dokumentacijom, nakon čega je Komisija za nabavke imenovana Odlukom Ugovornog organa broj 1448-III/22 od 04.02.2022. godine sačinila Zapisnik o rezultatu pretkvalifikacije kandidata broj 2301-XI/22 od 21.2.2022. godine.

Odlukom o rezultatima pretkvalifikacije broj 2305-III/2. godine konstatovano je da je ponuđač Ernst&Young d.o.o. Sarajevo kvalifikovan za izvršenje usluga eksterne revizije informacionog sistema Razvojne banke Federacije BiH za 2021.godinu

S tim u vezi, dana 22.2.2022. godine, ponuđaču Ernst&Young d.o.o. Sarajevo je dostavljen poziv za dostavljanje početne ponude.

Nakon dostavljanja početne ponude u utvrđenom roku, Komisija za nabavke sačinila je Zapisnik o pregledu i ocjeni početne ponude broj 3198-XI/22 od 11.03.2022. godine, a ponuđaču Ernst&Young d.o.o. Sarajevo, dana 14.03.2022. godine, dostavljen je poziv za pregovore.

Pregovori su održani 18.03.2022. godine, a Zapisnikom o pregovorima broj 3589-XI/22 od 21.03.2022. godine konstatovano je da će početna cijena u iznosu 20.000,00 KM biti korigovana u konačnoj ponudi i iznositi 19.900,00 KM, te će u skladu sa zaključcima s pregovora ponuđač Ernst&Young d.o.o. Sarajevo dostaviti konačnu ponudu.

Slijedom naprijed navedenog, ponuđaču Ernst&Young d.o.o. Sarajevo je upućen poziv za dostavljanje konačne ponude.

Rok za dostavljanje konačne ponude bio je 30. mart 2022. godine do 12:00 h, a konačna ponuda je dostavljena dana 30.03.2022. godine u 11:05 h.

Komisija za nabavke izvršila je otvaranje, pregled i ocjenu konačne ponude, te je u svom Zapisniku broj 4325-XI/22 od 01.04.2022. godine konstatovala da je ponuda ponuđača Ernst&Young d.o.o. Sarajevo prihvatljiva, sadrži sve podatke i dokumentaciju, u skladu sa zaključcima sa pregovora.

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude.

Uvažavajući sve prethodno navedeno, te da je ponuda ponuđača prema kriteriju za izbor ponude (najniža cijena) ocijenjena prihvatljivom, odlučeno je kao u dispozitivu.

**Pouka o pravnom lijeku:**

Protiv ove Odluke može se izjaviti žalba najkasnije u roku od 10 (deset) dana od dana prijema Odluke saglasno članu 97. 99. i 101. Zakona o javnim nabavkama.



v.d. Predsjednica Uprave

Doc. dr. sci. Mersiha Slipičević, dipl. oec.

Dostaviti:

- Učesniku u postupku